

www.e-rara.ch

**Ordo administrandi sacramenta Baptismi, Poenitentiae, sacro-sanctae
Eucharistiae et extremae unctionis, celebrandique matrimonium, et
exequias**

Angehrn, Beda

Typis Principalis Monasterii S. Galli, 1790

Stiftsbibliothek St. Gallen

Persistent Link: <https://doi.org/10.3931/e-rara-129842>

Ordo sepeliendi mortuos.

www.e-rara.ch

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

Nutzungsbedingungen Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelinformationen angegeben. Für weitere Informationen siehe auch [Link]

Terms of Use This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

Conditions d'utilisation Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

Condizioni di utilizzo Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]



O R D O SEPELIENDI MORTUOS.

Parochus vel Sacerdos volens ad sepulturam comitari funus alienjus defuncti, qui de jure ab ecclesiastica sepultura non est arcendus, sed admittendus, superpelliceo vel choralis, & stola nigra indutus, præcedente ministro cum sancta Cruce, & alio cum aqua benedicta & thuribulo subsequente, datisque pro more, & consuetudine loci certis campanæ signis, pergat ad ædes defuncti; vel si funus sine Sacerdote apportatur, ponatur ante Cæmeterium, tunc ipse primo cadaver aspergat aqua benedicta, postmodum dicat:

℣. Oremus pro fidelibus defunctis.

℟. Requiem æternam dona eis Domine, & lux perpetua luceat eis.

℣. Requiescant in pace.

℟. Amen.

Deinde dicit Antiphonam: Omne &c. & Psalmum Miserere mei Deus &c. ut supra fol. 63. vel Psal. De profundis &c. ut infra, & in fine Psalmi dicit: Requiem æternam dona eis Domine, & lux perpetua luceat eis.

Finito Psalmo repetit Antiph. Omne, quod dat mihi



hi Pater, ad me veniet, & eum, qui venit ad me, non eiiciam foras. Kyrie eleison. Christe eleison. Kyrie eleison. Pater noster. *Secreto.*

℣. Et ne nos inducas in tentationem.

℞. Sed libera nos a malo.

℣. A porta inferi.

℞. Erue Domine animam ejus.

℣. Requiescat in pace.

℞. Amen.

℣. Domine exaudi orationem meam.

℞. Et clamor meus ad te veniat.

℣. Dominus vobiscum.

℞. Et cum spiritu tuo.

Deinde dicit unam ex orationibus sequentibus pro statu defuncti, quam cum Oratione Fidelium infra posita concludit.

Pro Sacerdote defuncto.

OREMUS.

Beati Petri Apostoli tui, quæsumus Domine, intercessionem nos protege, & animam famuli tui N. Sacerdotis Sanctorum tuorum junge consortio. Per Dominum nostrum &c.

Pro



Pro Laico.

Omnipotens sempiterne Deus, cui nunquam sine spe misericordiæ supplicatur, propitiare animæ famuli tui N. & præsta; ut qui de hac vita in tui nominis confessione decessit, sanctorum tuorum numero eum facias aggregari. Per Dominum nostrum &c.

Pro Laico.

Quæsumus Domine pro tua pietate, miserere animæ famulæ tuæ N. & a contagiis mortalitatis exutam, in æternæ salvationis partem restitue. Per Dominum nostrum &c.

Pro fidelibus defunctis generalis Oratio.

Fidelium Deus omnium Conditor & Redemptor, animabus famulorum famularumque tuarum, remissionem cunctorum tribue peccatorum; ut indulgentiam, quam semper optaverunt, piis supplicationibus consequantur. Qui vivis, & regnas in sæcula sæculorum. *R.* Amen.

V. Requiem æternam dona ei Domine.

R. Et lux perpetua luceat ei.

V. Requiescant in pace.

R. Amen.

Tunc aspergit iterum funus aqua benedicta dicens :

Rore ✠ coelesti perfundat animam tuam Deus ; In nomine Patris, & Filii, & Spiritus sancti. Amen.

Deinde illud incensat similiter dicendo :

Odore ✠ coelesti reficiat animam tuam Deus ; In nomine Patris, & Filii, & Spiritus sancti. Amen.

Postea funus, præcedente ministro cum sancta cruce, & Sacerdote cum Ministro Aquam benedictam, & thuribulum deportante ipsum funus immediate subsequente, comitantibus & sub silentio Deum pro defuncto rite deprecantibus aliis, ad sepulchrum usque deferitur, ibique deponitur, ita, ut defuncti pedes, si fuerit laicus, sint versus altare majus Ecclesiæ, si vero fuerit Sacerdos, caput sit versus ipsum altare. Dum funus effertur ad cæmeterium Sacerdos dicere incipiat antiphonam : *Exultabunt Domino*. Et recitet psalmum : *Miserere mei Deus* ut fol. 63. *Requiem æternam &c. Exultabunt Domino ossa humiliata*. Vel poterit cantare Resp. *Libera me Domine &c.* ut infra. Funere ad Sepulchrum deportato Sacerdos denuo dicat :

✠. Oremus pro fidelibus defunctis, &c. *ut supra fol. 102. usque ad Orationem, quam dicit, ut sequitur :*

O R E M U S.

Absolve, quæsumus Domine, animam * famuli tui N. (famulæ tuæ N.) ab omni vinculo delictorum, ut in resurrectionis gloria inter Sanctos & electos tuos * resuscitatus (resuscitata) respiret. Per Christum Dominum nostrum. Amen.

O

✠. Re-



℣. Requiem æternam dona ei Domine.

℞. Et lux perpetua luceat ei.

℣. Requiescat in pace.

℞. Amen.

Tunc aspergit funus Aqua benedicta dicens :

Rore ✝ cœlesti perfundat animam tuam Deus.

Deinde benedicit sepulchrum, si nondum sit benedictum, aspergendo illud aqua benedicta dicens :

Sanctificetur hoc sepulchrum ; In nomine Patris, & Filii, & Spiritus sancti. Amen.

Deinde incensat funus in modum Crucis dicendo :

Odore ✝ cœlesti reficiat animam tuam Deus.

Similiter & sepulchrum thurificat, si tunc benedicitur, nihil dicens.


Postea funus deponitur in sepulchrum, quo deposito, Sacerdos ter proicit de terra super illud, dicendo :

Memento homo, quia pulvis es, & in pulverem reverteris.

1. Postea, dum corpus sepelitur, recitantur Vesperæ defunctorum &c. incipiendo : *Oremus pro fidelibus defunctis &c.*

2. His peractis Sacerdos, priusquam crucem sepulchro infigit, ea ad caput defuncti in terra crucem format; deinde adstantibus nomine sanguineorum pro obsequio præstito, gratias agat, simulque indicet, quo die, & qua hora sint primum depositionis diem &c. celebraturi; ultimo moneat, ut recitent Orationem Dominicam & Salutationem Angelicam pro anima defuncti, & eo aqua benedicta asperso redeat ad Ecclesiam cum cruce & ministris sub silentio dicens : *Si iniquitates &c. De profundis &c.* In fine repetitur Antiph. *Si iniquitates observaveris Domine, Domine quis sustinebit ?*

VESPE-



VESPERÆ DEFUNCTORUM.

Placebo Domino.

Psalmus 114.

Dilexi, quoniam exaudiet Dominus : * vocem orationis meæ.

Quia inclinavit aurem suam mihi : * & in diebus meis invocabo.

Circumdederunt me dolores mortis : * & pericula inferni invenerunt me.

Tribulationem & dolorem inveni : * & nomen Domini invocavi.

* O Domine, libera animam meam, * misericors Dominus, & justus, & Deus noster miseretur.

Custodiens parvulos Dominus : * humilitatus sum, & liberavit me.

Convertere anima mea in requiem tuam : * quia Dominus benefecit tibi.

Quia eripuit animam meam de morte : * oculos meos a lacrymis, pedes meos a lapsu.

Placebo Domino * in regione vivorum.

Requiem æternam dona eis Domine.



Et lux perpetua luceat eis.

Placebo Domino in regione vivorum.

Heu mihi.

Psalmus 119.

Ad Dominum, cum tribularer, clamavi: * & exaudivit me.

Domine libera animam meam a labiis iniquis, * & a lingua dolosa.

Quid detur tibi, aut quid apponatur tibi, * ad linguam dolosam?

Sagittæ potentis acutæ, * cum carbonibus desolatoriis.

Heu mihi, quia incolatus meus prolongatus est, habitavi cum habitantibus Cedar: * multum incola fuit anima mea.

Cum his, qui oderunt pacem, eram pacificus: * cum loquebar illis, impugnabant me gratis.

Requiem æternam dona eis &c.

Heu mihi, Domine, quia incolatus meus prolongatus est.

Dominus.

Psalmus 120.

Levavi oculos meos in montes, * unde veniet auxilium mihi.

Au-

Auxilium meum a Domino, * qui fecit coelum & terram.

Non det in commotionem pedem tuum: * neque dormitet, qui custodit te.

Ecce non dormitabit, neque dormiet, * qui custodit Israël.

Dominus custodit te, Dominus protectio tua * super manum dexteram tuam.

Per diem sol non uret te: * neque luna per noctem.

Dominus custodit te ab omni malo: * custodiat animam tuam Dominus.

Dominus custodiat introitum tuum & exitum tuum; * ex hoc nunc & usque in sæculum.

Requiem æternam dona eis Domine.

Et lux perpetua luceat eis.

Dominus custodit te ab omni malo, custodiat animam tuam Dominus.

Si iniquitates.

Psalms 129.

De profundis clamavi ad te Domine, * Domine exaudi vocem meam.

Fiant aures tuæ intendentes, * in vocem deprecationis meæ.



Si iniquitates observaveris Domine : * Domine quis sustinebit ?

Quia apud te propitiatio est : * & propter legem tuam sustinui te Domine.

Sustinuit anima mea in verbo ejus : * speravit anima mea in Domino.

A custodia matutina usque ad noctem : * speret Israël in Domino.

Quia apud Dominum misericordia : * & copiosa apud eum redemptio.

Et ipse redimet Israël : * ex omnibus iniquitatibus ejus.

Requiem æternam dona eis &c.

Si iniquitates observaveris Domine , Domine quis sustinebit ?

Opera.

Psalmus 137.

Confitebor tibi Domine, in toto corde meo : * quoniam audisti verba oris mei.

In conspectu Angelorum psallam tibi : * adorabo ad templum sanctum tuum, & confitebor nomini tuo.

Super misericordia tua, & veritate tua : * quoniam magnificasti super omne nomen sanctum tuum.

In quacunque die invocavero te, exaudi me : * multiplicabis in anima mea virtutem.

Con-



Confiteantur tibi Domine omnes reges terræ: * quia audierunt omnia verba oris tui.

Et cantent in viis Domini: * quoniam magna est gloria Domini.

Quoniam excelsus Dominus, & humilia respicit: * & alta a longe cognoscit.

Si ambulavero in medio tribulationis, vivificabis me: * & super iram inimicorum meorum extendisti manum tuam, & salvum me fecit dextera tua.

Dominus retribuet pro me: * Domine misericordia tua in sæculum: opera manuum tuarum ne despicias.

Requiem æternam &c.

Opera manuum tuarum Domine ne despicias.

℣. Audivi vocem de cœlo dicentem mihi.

℟. Beati mortui, qui in Domino moriuntur.

Omne.

Canticum B. Mariæ Virginis Luc. i.

Magnificat * anima mea Dominum.

Et exultavit spiritus meus * in Deo salutari meo.

Qui respexit humilitatem ancillæ suæ: * ecce enim ex hoc beatam me dicent omnes generationes.

Quia fecit mihi magna, qui potens est: * & sanctum nomen ejus.

Et



Et misericordia ejus a progenie in progenies : * timentibus eum.

Fecit potentiam in brachio suo : * dispersit superbos mente cordis sui.

Deposuit potentes de sede , * & exaltavit humiles.

Esfurientes implevit bonis : * & divites dimisit inanes.

Suscepit Israël Puerum suum , * recordatus misericordiæ suæ.

Sicut locutus est ad Patres nostros , * Abraham , & semini ejus in sæcula . *

Requiem æternam dona eis Domine.

Et lux perpetua luceat eis.

Omne , quod dat mihi Pater , ad me veniet , & eum , qui venit ad me , non eiiciam foras.

Pater noster. *Secreto.*

℣. Et ne nos inducas in tentationem.

℞. Sed libera nos a malo.

Psalmus 145.

Lauda anima mea Dominum , laudabo Dominum in vita mea : * psallam Deo meo , quamdiu fuero.

Nolite confidere in principibus : * in filiis hominum , in quibus non est salus.

Exi-

Exibit spiritus ejus, & revertetur in terram suam : *
in illa die peribunt omnes cogitationes eorum.

Beatus, cujus Deus Jacob adjutor ejus, spes ejus in
Domino Deo ipsius : * qui fecit cœlum & terram,
mare, & omnia, quæ in eis sunt.

Qui custodit veritatem in sæculum, facit judici-
um injuriis patientibus ; dat escam esurientibus.

Dominus solvit compeditos : * Dominus illuminat
cæcos.

Dominus erigit elisos, * Dominus diligit justos.

Dominus custodit advenas, pupillum, & viduam
suscipiet : * & vias peccatorum disperdet.

Regnabit Dominus in sæcula, Deus tuus Sion * in
generationem & generationem.

In fine Psal. Requiem æternam dona &c.

Et lux perpetua luceat eis.

Deinde. V. A porta inferi.

R. Erue Domine, animas eorum.

V. Requiescant in pace.


R. Amen.

V. Domine exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.



O R E M U S.

Deus, qui inter Apostolicos Sacerdotes, famulos tuos Pontificali, seu sacerdotali fecisti dignitate vigere: præsta quæsumus, ut eorum quoque perpetuo aggregentur consortio.

Deus, veniæ largitor, & humanæ salutis amator, quæsumus clementiam tuam, ut nostræ Congregationis fratres, propinquos, & benefactores, qui ex hoc sæculo transierunt, beata Maria semper virgine intercedente cum omnibus Sanctis tuis, ad perpetuæ beatitudinis consortium pervenire concedas.

Fidelium Deus omnium Conditor & Redemptor, animabus famulorum, famularumque tuarum, remissionem cunctorum tribue peccatorum; ut indulgentiam, quam semper optaverunt, piis supplicationibus consequantur. Qui vivis, & regnas in sæcula sæculorum. *Rx.* Amen.

*In die vero Commemorationis omnium fidelium Defunctorum, quando dicitur hæc ultima tantum Oratio dicitur: Qui vivis & regnas cum Deo Patre in unitate Spiritus sancti Deus, per omnia sæcula sæculorum. *Rx.* Amen.*

Ps. Requiem æternam dona eis Domine.

Rx. Et



R. Et lux perpetua luceat eis.

V. Requiescant in pace. R. Amen.

Orationes diversæ pro Defunctis.

In die depositionis Defuncti.

Absolve, quæsumus Domine, animam famuli tui N. (famulæ tuæ N.) ut defunctus (defuncta) sæculo, tibi vivat: & quæ per fragilitatem carnis humana conversatione commisit, tu venia misericordissimæ pietatis absterge. Per Dominum nostrum &c. R. Amen.

Vel.

Deus, cui proprium est misereri semper, & parcere; te supplices exoramus pro anima famuli tui N. (famulæ tuæ N.) quam hodie de hoc sæculo migrare iussisti: ut non tradas eam in manus inimici, neque obliviscaris in finem, sed jubeas eam a sanctis Angelis tuis suscipi, & ad patriam paradisi perducì: ut quia in te speravit, & credidit, non pœnas inferni sustineat, sed gaudia æterna possideat. Per Dominum nostrum &c.

In die tertio, septimo, & trigésimo depositionis Defuncti.

Quæsumus Domine, ut animæ famuli tui N. (famulæ tuæ N.) cujus depositionis diem tertium (septimum, *vel* trigésimum) commemoramus, Sanctorum, atque electorum tuorum largiri digneris confortium, & rorem misericordiæ tuæ perennem infundas. Per Dominum nostrum Jesum Christum &c.

In Anniversario unius Defuncti.

Deus indulgentiarum Domine; da animæ famuli tui N. (famulæ tuæ N.) cujus anniversarium depositionis diem commemoramus, refrigerii sedem, quietis beatitudinem, & luminis claritatem. Per Dominum nostrum &c. R. Amen.

In Anniversario plurimorum.

Deus indulgentiarum Domine; da animabus famulorum, famularumque tuarum, quorum anniversarium depositionis diem commemoramus,



ramus, refrigerii sedem, quietis beatitudinem, & luminis claritatem. Per Dominum nostrum &c.

Pro Summo Pontifice defuncto.

Deus, qui inter summos Sacerdotes famulum tuum N. ineffabili tua dispositione connumerari voluisti: præsta quæsumus; ut qui uni-
geniti Filii tui vices in terris gerebat, sanctorum tuorum Pontificum
consortio perpetuo aggregetur. Per eundem Dominum nostrum Jesum
Christum &c. R. Amen.

Pro defuncto Episcopo.

Deus, qui inter Apostolicos Sacerdotes famulum tuum N. Pontificali
fecisti dignitate vigere: præsta quæsumus; ut eorum quoque per-
petuo aggregetur consortio. Per Dominum nostrum &c.

Pro defuncto Sacerdote.

Deus, qui inter Apostolicos Sacerdotes, famulum tuum N. Sacerdo-
tali fecisti dignitate vigere: præsta quæsumus; ut eorum quoque
perpetuo aggregetur consortio. Per Dominum nostrum &c.

Vel.

Præsta, quæsumus Domine, ut anima famuli tui N. Sacerdotis, quem
in hoc sæculo commorantem sacris muneribus decorasti, in cœlesti
sede gloriosa semper exultet. Per Dominum nostrum &c.

Pro Patre & Matre.

Deus, qui nos patrem & matrem honorare præcepisti: miserere cle-
menter animabus patris ac matris meæ, eorumque peccata dimit-
te: meque eos in æternæ claritatis gaudio fac videre. Per Dominum
nostrum Jesum Christum &c. R. Amen.

*Si fit pro pluribus, dicatur: animabus parentum nostrorum, & ubi
dicitur: meque dicatur: nosque.*

Si pro patre tantum, dicatur animæ patris mei, vel nostri.

*Si pro matre tantum, dicatur, animæ matris meæ, vel nostræ, in
principio tamen semper dicitur, qui nos patrem & matrem honorare &c.*

*Pro defunctis fratribus, propinquis & benefactoribus, dicitur Oratio,
Deus veniæ largitor.*

Pro

*Pro uno defuncto.*

Inclina Domine aurem tuam ad preces nostras, quibus misericordiam tuam supplices deprecamur: ut animam famuli tui N. quam de hoc sæculo migrare iussisti, in pacis ac lucis regione constituas: & Sanctorum tuorum jubeas esse consortem. Per Dominum nostrum Jesum Christum &c. R. Amen.

Pro una defuncta.

Quæsumus Domine, pro tua pietate miserere animæ famulæ tuæ N. & a contagiis mortalitatis exutam, in æternæ salvationis partem restitue. Per Dominum nostrum Jesum Christum &c.

Pro pluribus defunctis.

Omnipotens sempiterne Deus, cui nunquam sine spe misericordiæ supplicatur, propitiare animabus famulorum, famularumque tuarum: ut qui de hac vita in tui nominis confessione decesserunt, Sanctorum tuorum numero facias aggregari. Per Dominum nostrum Jesum Christum Filium tuum: qui tecum vivit &c.

De officio faciendo in exequiis absente corpore defuncti, & in die tertio, septimo, & anniversario ad tumulam mortualem, vel sepulchrum.

Y. Oremus pro fidelibus defunctis.

Y. Requiem æternam dona eis Domine:

R. Et lux perpetua luceat eis.

Y. Requiescant in pace. R. Amen.

Antiphona Omne &c.

Deinde recitetur Psalmus Miserere &c. vel: De profundis &c. ut supra. Quo psalmo finito repetatur antiphona Omne &c. Kyrie eleison. Christe eleison. Kyrie eleison. Pater noster.

Y. Et ne nos inducas in tentationem.

R. Sed libera nos a malo.

Y. A porta inferi.

R. Erue Domine animam ejus (vel animas eorum.)

Y. Requiescat (vel: Requiescant) in pace. R. Amen.



℣. Domine exaudi orationem meam.

℞. Et clamor meus ad te veniat.

℣. Dominus vobiscum.

℞. Et cum Spiritu tuo.

In exequiis absente corpore defuncti.

Oratio.

Absolve quæsumus Domine, animam famuli tui N. (vel famulæ tuæ N.) ut defunctus (defuncta) sæculo tibi vivat: & quæ per fragilitatem carnis humana conversatione commisit, tu venia misericordissimæ pietatis absterge. Per Dominum nostrum &c. ℞. Amen.

In die tertio, septimo, & trigesimo. Oratio.

Quæsumus Domine, ut animæ famuli tui (famulæ tuæ) cujus depositionis diem tertium, (vel septimum, vel trigesimum) commemoramus, sanctorum atque electorum tuorum largiri digneris confortium: & rorem misericordiæ tuæ perennem infundas. Per Dominum nostrum &c. ℞. Amen.

In Anniversario. Oratio.

Deus indulgentiarum Domine, da animæ famuli tui, (vel famulæ tuæ) (vel animabus famulorum, famularumque tuarum) cujus, (vel quorum) anniversarium depositionis diem commemoramus, refrigerii sedem, quietis beatitudinem, & luminis claritatem. Per Dominum nostrum &c. ℞. Amen.

Die anniversario confraternitatis SS. Rosarii & Scapularis &c. dicto Oremus pro fidelibus defunctis &c. ut supra recitantur Vesperæ defunctorum sub unica Oratione:

Deus veniæ largitor, & humanæ salutis amator, quæsumus clementiam tuam, ut nostræ congregationis fratres, propinquos, & benefactores, qui ex hoc sæculo transierunt, beata Maria semper Virgine intercedente, cum omnibus sanctis tuis ad perpetuæ beatitudinis confortium pervenire concedas. Per Dominum nostrum &c. ℞. Amen.

℣. Requiem æternam dona eis Domine.

℞. Et lux perpetua luceat eis.

℣. Requiescant in pace. ℞. Amen.

Obfer-



Observandum: thurificationem, & asperſionem aquæ benediſtæ ſuper tumbam, vel ſepulchrum ſemper fieri debere a capite defuncti, nimirum in Sacerdote incipiendo a parte proximiori, in reliquis vero a parte remotiore verſus altare.

Tunc thurificetur ſepulchrum per modum Crucis ſemel dicendo:

Odore ✕ cœleſti reficiat animam tuam, (vel animas veſtras) Deus; In nomine Patris, & Filii, & Spiritus ſancti. Amen.

Deinde aſpergatur aqua benediſta dicendo:

Rore ✕ cœleſti perfundat animam tuam, (vel animas veſtras) Deus, In nomine Patris, & Filii, & Spiritus ſancti. Amen.

APPENDIX

pro die commemorationis omnium fidelium defunctorum.

Finitis ſecundis veſperis Feſtivitatis omnium ſanctorum poſt dictum Benedicamus &c. ſubjunguntur Veſperæ defunctorum duplicatis Antiphonis omiſſo pſalmo: Lauda anima mea Dominum &c.

Poſt has Veſperas fit Proceſſio ad altare Archi-Confraternitatis SS. Roſarii, ſi ibidem ſit, & inter eundem canitur:

Reſponſorium: Libera &c.

Cum eo perventum fuerit, ſtatim dicuntur Veſperæ Defunctorum non duplicando antiphonas, neque tamen ultimo loco dicitur Pſalmus: Lauda anima mea ſed, Pater noſter ſecreto, aſpergitur, & thurificatur tumba mortualis &c.

Deinde dicitur: Et ne nos inducas &c. V. A porta inferi &c. cum oratione Deus veniæ largitor &c.

Poſtea pergit Proceſſio ad Cæmeterium, ac repetitur R. Libera me &c. Dicuntur Veſperæ defunctorum eodem ritu ſicut prius cum oratione Fidelium Deus omnium Conditor &c.

Ipo die Commemorationis animarum abſoluto ſummo Officio itur ad tumbam mortualem, vel Cæmeterium, quo dum pergitur, cantatur R. Libera me. Et dicuntur Veſperæ defunctorum &c. cum ſuis tribus orationibus conſuetis, vel fit abſolutio ad tumbam mortualem cantando Reſponſorium majus: Libera me &c. cætera fiunt, ut in Miſſali de abſolutione.

DE